



Uunga siunnersuut: Ilinniartut ineqarfii pillugit Inatsisartut Inatsisaata allanngortinnissaa pillugu Inatsisartut Inatsisaat. (Naartunermi, erninermi meeravissiarternermilu sulingiffeqartarnermut atatillugu ilinniartut ineqarfiissa pigiinnartarnerat)

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)
(Siullermeerneqarnera)

Qanoq inuuneqarnissamut periusissiamik allattorsimaffiuteqarnissaaq ajornarluinnarpoq. Qanoq inuuneqarsinnaaneq pillugu sinnattoqarsinnaavugut. Qanoq inuuneqarnissamik naatsorsuuteqarsinnaavugut. Naggaterpiaanili inuuneq naatsorsuutigisimanngisatsinnik sanguffeqartarpoq.

Pingaaruteqarpoq inuiattut inuunerup sangoriataarsinnaanerat inissaqartissallutigu, tamarmik ajunngitsumik qaangiisinnaanerat angujumallugu.

Amerlanngitsut ilinniakkaminut qinnuteqartarput ilinniakkap ingerlarngani meerartaarnermi sulingiffeqarallarnissaaq naatsorsuutigalugu. Tamanna aamma ajunngilaq. Taamaattumik maanna inatsi allaqqaneratuut meerartaarnermi sulingiffeqarallarniaraanni ilinniartut inaanniik anisariaqartarneq pissusissamisuunngilaq.

Ajornerpaamik kinguneqassaaq tamanna ilinniakkamik ingerlatitseqqinnginnissamik aalajangiisooqataasassappat. Tamanna innummut pineqartumut inuiaqatigiinnullu ajuusaarnartuusooq.

Tamanna tunngavigalugu Demokraatit isumaqarput ilinniartut inaataat pillugit Inatsisartut Inatsisaannut allannguinissamut siunnersuutigineqartoq isumatusaartuusooq, ilinniartup naartunermini, erninermini aammalu qitornavissiarternermi ilinniartut inaataat paariinnarsinnaassagaa.

Siunnersuut akuerineqarnissaanut taamatuttaarlu kultureqarnermut, Ilinniartitaanermut, Ilisimatusarnermut aammalu Ilageeqarnermut ataatsimiitsitaliamut suliareqqinneqarnissaa innersuupparput